

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaannut nr. xx, xx.xx 2012-imeersumut siunnersuut
(Inuussutissarsiornermut Aatsitassanullu Naalakkersuisoq)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaanneerera:

Matumuuna inatsisissatut siunnersuutip matuma siullermeernerata kingorna Inatsisartut Inuussutissarsiornermut Ataatsimiititaliaata ilaasortai peqqissaartumik ataatsimiititaliami sularinninnerannut qutsavigerusuppakka.

Tapiissuteqartarnermik aaqqiussusat piaartumik naleqqussartarnissaannut periarfissaqarnissaa, uumaarissumik inuussutissarsiutinik ineriartortitsinissamut pisariaqartoq ataatsimiititaliaq isumaqartoq Naalakkersuisut maluginiarpaat. Siunnersuutip atuutilernerani suliassa qarfiit immikkut ittut pingaartinneqarnissaat aammalu siunertanut aalajangersimasunut agguassassanik immikkoortitsinissaq pisinnaalissaaq, tamannalu ataatsimiititaliap suliqaarnermi piviusunnngortinneqarsinnaasutut isigaat.

Aatsitassarsiornermut suliassa qarfimmi pilersuisooqataasunut siunnersuisarnermik isumagininnissamut Rambøll Grønlandip toqqarneqarsimaneranut Inuussutissarsiornermut Ataatsimiititaliap nassuiaaqqusimavaanga.

Nalinginnaasumik kiffaanngissuseqartumik unammilleqatigiiffiusumi pilersuisarnermik suliqaarsinnaanissamut nunatsinni suliffe qarfiit pisariaqartunik piginnaasassanik unammillersinnaassuseqarnermillu angusaqarnissaat Naalakkersuisut anguniagaraat. Ineriartornermik tamatumingga siuarsaaniarluni sullissinissamik isumaqatigiissutikkut Naalakkersuisut annertuumik piginnaangorsaanermik iliuuserisaq aallartisarsimavaat.

2012-imi upernaakkut tamanut ammasumik sullissinissamik isumaqatigiissut neqeroortitsivigineqarpoq. Sullissinissamik isumaqatigiissumut neqeroorutit sisamat takkuppet – pingasut nunatsinni suliffe qarfinneerlutik – ilanngullugu Rambøll Grønland, ataaserlu danskit suliffe qarfiutaanneerluni. Neqeroorutaasut takkussimasut neqeroortitsinermi najoqqutassani naliliinermi tunngaviusussatut allassimasut aallaavigalugit naliliiffigineqarput. Rambøll Grønlandip neqeroorutigisaa pitsaanerpaasoq nalilerneqarpoq, tamatumalu kingorna sullissinissamik isumaqatigiissuteqartoqarpoq.

2012-imi ukiakkut avannaani Upernavimmit kujataani Qaqortumut illoqarfiit qulingiluat tikeraarneqarput.

Suliassa qarfimmi tassani piginnaasaminnik ineriartortitsinissamik soqutigisaqartunut suliffe qarfinnut tikeraarnerit tunngasuutinneqarput.

2013-imi suliffe qarfiit peqataasut pisariaqartitaannut naleqqiullugit tunngasuutitanik piviusutut pikkorissartitsinernik piginnaangorsaanermillu ingerlassanik ingerlassaqartoqassaaq.

Nalinginnaasumik niuerneramik tunngaveqartumik atugassarititaasut tunngavigalugit unammillersinnaassusilinnik neqerooruteqarsinnaanissamut nunatsinni suliffe qarfiit anngutsinniarnissaat suliniarnermi taassani tamarmiusumi anguniagaavoq.

Inuussutissarsiornermi siuarsaanissamik iliutsini iliuse qarfissanut assigiinngitsunut suliqaarfigitinniakkatut siunnersuisartuusut assigiinngiiaartut iliuuserisap angusa qarfiutinniarneranut

atatillugu iluaqutaasinnaasanerannik inuussutissarsiornermut ataatsimiititaliap naatsorsuutigigaa Naalakkersuisut paasisimavaat.

Ataatsimiititaliaq isumaqatigiissoq, inatsisissatut siunnersuummik matuminnga tapersersuisoq qutsavigaara, taamatullu naatsumik oqaaseqarlunga siunnersuut akuerineqassasoq inassutigissallugu.